

Broj: 04-05-8345-65/19
Sarajevo, 19.04.2019. god.

SKUPŠTINA KANTONA SARAJEVO

- O V D J E -

PREDMET: Odgovor na pitanje zastupnika Elmedina Konakovića - uklanjanje nelegalnih reklamnih panoa

Veza vaš akt broj 01-05-8345-65/19 od 26.03.2019.godine

Dostavljamo vam odgovor na pitanje zastupnika Elmedina Konakovića postavljeno na 6. Radnoj sjednici Skupštine Kantona Sarajevo, održanoj dana 26.03.2019.godine u okviru tačke dnevnog reda "Poslanička/zastupnička pitanja, inicijative i odgovori", a koja glasi:

"Da se hitno sačini analiza trenutnog stanja u oblasti reklamnih panoa i površina u Kantonu Sarajevo te da se poduzmu hitne mjere kako bi se uklonili nelegalni i adekvatno sankcionisali počinioci".

Na području Kantona Sarajevo reklamni panoi se postavljaju u skladu sa odredbama Zakona o privremenom korišćenju javnih površina na području Kantona Sarajevo ("Službene novine Kantona Sarajevo", br.20/04, 26/12,32/12 i 24/15) i odredbama Zakona o cestama Federacije BiH ("Službene novine Federacije BiH", br. 12/10, 16/10 i 66/13), a na lokacije koje su definisane Elaboratom "Reklamni panoi na području Kantona Sarajevo" usvojenim Zaključkom Vlade Kantona Sarajevo br.02-05-6614-12/06 od 15.03.2006.godine (napomena: novi Elaborat kojeg je uradio Zavod za planiranje razvoja Kantona Sarajevo 2015.godine i dostavio općinskim vijećima na usvajanje je usvojen na području četiri vangradske općine ali do danas nije usvojen na području sve četiri gradske općine Stari Grad, Centar, Novo Sarajevo i Novi Grad)



Ministarstvo saobraćaja - Direkcija za puteve je, čim je službenim putem, dana 17.04.2019.godine zaprimila inicijativu zastupnika Elmedina Konakovića, uputila dopis br.04-27- 8345 od 17.04.2019. godine Federalnoj upravi za inspeksijske poslove – Inspektoratu saobraćaja u kojem ih obavještavaju o pokrenutoj inicijativi s molbom da što je prije moguće, zajedno sa predstavnicima Direkcije za puteve obišu teren (ulice Zmaja od Bosne, Bulevar Meše Selimovića, Alipašina tj.ulice u kojima poslove inspeksijskog nadzora nad postavljanjem reklamnih panoa u cestovnom i zaštitnom pojasu vrši Federalna uprava za inspeksijske poslove) kako bi se što hitnije mogao sačiniti zapisnik sa analizom postojećeg stanja i preduzele mjere hitnog uklanjanja reklamnih panoa koji su postavljeni bez odobrenja upravitelja ceste kao i sankcionisanje nelegalnih korisnika, a u skladu sa odredbama člana 102. i 103. tačka a) broj 4. i tačka C) broj 7. i 8. Zakona o cestama Federacije BiH (“Službene novine Federacije BiH”, br. 12/10, 16/10 i 66/13). i .

Naglašavamo da Direkcija za puteve u sklopu svojih aktivnosti prilikom obilaska terena i uočavanja postavljanja bilo kojeg reklamnog panoa koji nije u skladu sa važećim Elaboratom i nema odobrenje upravitelja ceste – Direkcije za puteve iste prosljeđuje nadležnim inspeksijskim službama sa zahtjevom za uklanjanje i sankcionisanje bespravnih korisnika, a u skladu sa sa odredbama člana 102. i 103. tačka a) broj 4. i tačka C) broj 7. i 8. Zakona o cestama Federacije BiH (“Službene novine Federacije BiH”, br. 12/10, 16/10 i 66/13) i članom 29.a Zakona o izmjeni Zakona o privremenom korištenju javnih površina na području Kantona Sarajevo (“Službene novine Kantona Sarajevo”, br. 24/15).

Direkcija za puteve je čak upućivala nadležnim inspeksijskim službama i zahtjeve za uklanjanje reklamnih panoa postavljenih na lokacije koje nisu utvrđene revidovanim Elaboratom o postavljanju reklamnih panoa na području Kantona Sarajevo i u zaštitnom pojasu cesta čiji nije upravitelj (dopis Direkcije za puteve Kantona Sarajevo br.04-27-27828 od 13.07.2018.godine upućen Općini Centar) sve u nastojanju da se uredi stanje u oblasti postavljanja reklamnih panoa na području Kantona Sarajevo te da se sankcionišu bespravni korisnici koji nanose veliku štetu budžetu Kantona Sarajevo kako je u obrzaloženju naveo i zastupnik Skupštine Kantona Sarajevo gosp.Elmedin Konaković.

Nažalost, veoma često na upozoravanja Direkcije za puteve o postavljanju nelegalnih reklamnih panoa, Službe za inspeksijske poslove nadležnih općina (nadležnost nad lokalnim cestama) ili Federalna uprava za inspeksijske poslove (nadležnost nad magistralnim cestama koje prolaze kroz Grad) i ne odgovore.

Kao primjer navodimo da je Ministarstvo saobraćaja – Direkcija za puteve dostavilo prijavu Federalnoj inspekciji za uklanjanje bespravnog reklamnog panoa u ulici Alipašina već u novembru mjesecu 2018.godine - odmah po utvrđivanju da je u ulici Alipašina postavljen reklamni pano bez odobrenja upravitelja ceste i u suprotnosti sa lokacijama predviđenim Elaboratom (dopis br.04-27-37194 od 13.11.2018.godine) i do danas nije dobila odgovor da li je pokrenut postupak uklanjanja bespravno postavljenog reklamnog panoa.

Također, navodimo i primjer odgovora Inspektorata Općine Centar u kojem na prijavu, Direkcija za puteve o postavljanju reklamnih panoa na lokacije koje nisu utvrđene revidovanim Elaboratom i koje nemaju odobrenje upravitelja ceste (četiri reklamna panoa postavljena na trotoaru ispred zgrade Kantona Sarajevo), dobije se odgovor da jedan od reklamnih panoa (firma "Plakat" ima urbanističku saglasnost Općine Centar (mada nije predviđen Elaboratom) i rješenje o postavljanju koje je izdao Grad Sarajevo (mada nije predviđen Elaboratom).



e-mail: dir.cestes@ks.gov.ba www.ks.gov.ba
Tel: + 387 (0) 33 560-402
Sarajevo, Hamida Dizdara 1



Također ostala tri bespravno postavljena reklamna panoa firme "MN Media" (nemaju odobrenje upravitelja ceste - Direkcije za puteve niti su lokacije predviđene važećim Elaboratom) posjeduju odobrenje Gradonačelnika.

Ove primjere navodimo samo kao dokaz da na području Kantona Sarajevo općinske službe za urbanizam i Gradska uprava izdaju odobrenja za postavljanje reklamnih panoa na lokacije koje nisu u skladu sa važećim Elaboratom (usvojenim Zaključkom Vlade Kantona Sarajevo br.02-05-6614-12/06 od 15.03.2006.godine) i koje Službe za inspekcijske poslove onda ne mogu ukloniti jer posjeduju odobrenja za postavljanje.

Što se tiče reklamnih panoa privrednog društva EuroplakatBH d.o.o. Sarajevo, Vlada Kantona Sarajevo je Zaključkom br.02-05-2840-16/17 od 09.02.2017.godine raskinula Ugovor br. 02/02-05-15 od 06.01.2000.godine i Anex osnovnog Ugovora br.04-14-16750 od 03.06.2013.godine zbog neispunjavanja obaveza privrednog društva EuroplakatBH d.o.o. Sarajevo plaćanja naknade za postavljanje reklamnih panoa.

Nakon jednostranog raskida Ugovora, Anexa na Ugovor i Sporazuma o poravnanju - Direkcija za puteve je postupila u skladu sa tačkom 3. Zaključka Vlade Kantona Sarajevo br.02-05-2840-16/17 od 09.02.2017.godine koji glasi:

"Zadužuje se Ministarstvo saobraćaja Kantona Sarajevo-Direkcija za puteve, da preduzme sve radnje u cilju realizacije ovog Zaključka, a posebno u pogledu **izdavanja naloga za uklanjanje** svih oblika oglašavanja koji su predmet Ugovora iz tačke 1.ovog Zaključka."

Direkcija za puteve se, u skladu sa gore navedenim, dopisom br.04-27-13541 od 28.03.2017.godine obratila svim općinskim službama za inspekcijske poslove na području Kantona Sarajevo i Federalnoj upravi za inspekcijske poslove sa nalogom za rušenje reklamnih panoa koji su predmet Ugovora iz tačke 1.ovog Zaključka.

Tim dopisom je obavijestila službe za inspekcijske poslove svih općina na području Kantona Sarajevo da je Ugovor raskinut i da privredno društvo EuroplakatBH d.o.o. Sarajevo nije postupilo po zahtjevu Direkcije za puteve i nije uklonilo reklamne panoe.

Također, Ministarstvo saobraćaja – Direkcija za puteve je gore pomenutim dopisom dostavila svim općinskim službama za inspekcijske poslove spisak reklamnih panoa, koji zbog raskida ugovora više nemaju odobrenje upravitelja ceste - Direkcije za puteve, te su općinske službe za inspekcijske poslove zamoljene da što hitnije provedu inspekcijski nadzor u skladu sa članom 29. a Zakona o izmjeni i dopunama Zakona o privremenom korišćenju javnih površina na području Kantona Sarajevo ("Službene novine Kantona Sarajevo" br.24/15).

S obzirom da je najveći broj reklamnih panoa privrednog društva EuroplakatBH d.o.o. Sarajevo postavljen uz magistralne saobraćajnice (koje su ugovorom sa Direkcijom za ceste FBiH predate Direkciji za puteve KS na održavanje), a Federalna uprava za inspekcijske poslove-Inspektorat saobraćaja, ni na jedan od dopisa i urgencija Direkcije za puteve nije dostavio nikakav odgovor, na zahtjev Ministra saobraćaja održan je sastanak, dana 19.09.2017.godine, u prostorijama Federalne uprave za inspekcijske poslove na temu uklanjanja reklamnih panoa.

Na tom sastanku je dogovoreno da će Federalna uprava za inspekcijske poslove od 25.09.2017.godine otpočeti pojačani inspekcijski nadzor nad svim reklamnim panoima postavljenim u putnom i zaštitnom pojasu magistralnih saobraćajnica koje prolaze kroz Kanton Sarajevo, a čiji je upravljač Direkcija za puteve.



e-mail: dir.cesta@ks.gov.ba www.ks.gov.ba

Tel: + 387 (0) 33 560-402

Sarajevo, Hamida Dizdara 1



Također, dogovoreno je da će sačekati odluku Suda o određivanju mjere osiguranja "zabrana rušenja reklamnih panoa tužitelja do okončanja parničnog postupka" koju je predložio tužitelj-EuroplakatBH d.o.o. Sarajevo i ukoliko Sud odbije zahtjev tužitelja o mjeri osiguranja, odmah pokrenuti postupak uklanjanja reklamnih panoa firme EuroplakatBH d.o.o. Sarajevo.

Iako je na gore pomenutom sastanku dogovoreno da se sačeka odluka Suda po pitanju mjere osiguranja i ukoliko bude odbijena da se pristupi uklanjanju reklamnih panoa privrednog društva EuroplakatBH d.o.o. Sarajevo, Federalna inspekcija za ceste je na ponovljeni zahtjev Direkcije za puteve za uklanjanje reklamnih panoa privrednog društva EuroplakatBH d.o.o. Sarajevo odgovorila dopisom br.11-27-6-00046/2017 od 20.10.2017.godine u kojem između ostalog navode slijedeće:

"Federalna inspekcija saobraćaja, Inspekcija za ceste, je zaključila, da bilo kakvo djelovanje iste, po Zakonu o cestama, neposredno prema firmi EuroplakatBH d.o.o. Sarajevo, bi bilo veoma štetno za Direkciju za puteve Kantona Sarajevo, Kanton Sarajevo i Federaciju BiH, **imajući u vidu da je dio konačne odluke suda o statusu aneksa ugovora isti na snazi.**

Također, Federalna inspekcija saobraćaja, Inspekcija za ceste, je zaključila, da bilo kakvo djelovanje inspekcije u pravcu sređivanja stanja po ovom predmetu unutar Direkcije za puteve Kantona Sarajevo, bio bi posredan udar na firmu EuroplakatBH d.o.o. Sarajevo što bi bio povod tužbe iste firme prema Direkciji za puteve Kantona Sarajevo i Kantonu Sarajevo sa višestrukim posljedicama imajući ponovo u vidu sadašnji status aneksa ugovora".

Iz gore navedenog, sasvim je očito da se Federalna inspekcija saobraćaja, Inspekcija za ceste izjasnila da ne može poduzimati nikakve radnje uklanjanja reklamnih panoa privrednog društva EuroplakatBH d.o.o. Sarajevo do okončanja postupka na Sudu.

Od dana raskida Ugovora pa do danas privredno društvo EuroplakatBH d.o.o. Sarajevo koristi ugovorom dodijeljene lokacije (77 jumbo reklamnih panoa i 77 city light reklamnih panoa).

Prilikom odgovora na tužbu, Direkcija za puteve je zatražila od Pravobranilaštva KS da pokrene protiv tužbu protiv podnosioca tužbe tj.privrednog društva EuroplakatBH d.o.o. Sarajevo za plaćanje naknade korištenje svih reklamnih panoa u periodu nakon raskida ugovora te Kanton Sarajevo neće biti oštećen zbog neplaćanja za korištenje lokacija reklamnih panoa tog privrednog društva.

U slučaju potrebe za dodatnim podacima stojimo vam na raspolaganju.

Prilog:

- Dopis Direkcije za puteve br.04-27-27828 od 13.07.2018.godine
- Dopis Direkcije za puteve br.04-27-37193 od 13.11.2018.godine
- Dopis Inspektorata Općine Centar br.06-23-8929 od 21.03.2019.godine

S poštovanjem,

Dostaviti:

- Naslov
- Evidenciji
- Arhivi


DIREKTOR

Selnur Kovač, dipl.ing.saob.



e-mail: dir.ceste@ks.gov.ba www.ks.gov.ba
Tel: + 387 (0) 33 560 402
Sarajevo, Hamida Dizdara 1





Broj: 04-27-27828
Sarajevo, 13.07.2018. god.

OPĆINA CENTAR SARAJEVO
Služba za prostorno uređenje
i komunalne poslove

PREDMET: Postavljanje reklamnih panoa "city light"
na području Općine Centar Sarajevo

18-07-2018

Poštovani,

redovnim obilaskom terena u mjesecu julu tekuće godine, ustanovljeno je da je na području Općine Centar Sarajevo na više lokacija izvršeno postavljanje reklamnih panoa tipa "city light".

Reklamni panoi tipa "city light" postavljeni su najčešće na zelenim površinama i najčešće u zonama raskrsnica (u ulici Radićeva, Koševo, Mis Irbina, Mehmeda Spahe, Branilaca Sarajeva, Patriotske lige, Trg Alije Izetbegovića itd.).

S obzirom na to da je utvrđeno da se na nekim od city light-ova nalazi i obavijest Službe za inspeksijske poslove Općine Centar Sarajevo kojom se poziva N.N. vlasnik reklamnih panoa da "dostavi potrebnu dokumentaciju za zauzimanje javne površine za city light", Ministarstvo saobraćaja - Direkcija za puteve nije smatrala potrebnim da reaguje na postavljanje city light reklamnih panoa.

Međutim, dana 13.07.2018.godine na portalu "radiosarajevo.ba" u rubrici "lokalne teme" objavljena je vijest o postavljenim reklamnim panoima tipa "city light" kao i nezadovoljstvu građana zbog postavljanja tih reklama na zelenim površinama.

Također, u istom članku, objavljeno je da je im je iz Općine Centar Sarajevo potvrđeno da je "N.N. investitor u zahtjevanom roku (4.juli) se javio Službi za inspeksijske poslove, te dostavio traženu dokumentaciju."

Prema gore pomenutoj obavijesti Službe za inspeksijske poslove Općine Centar (br.06-23-SL/18 od 03.07.2018.godine), N.N. investitor trebao je dostaviti "potrebnu dokumentaciju za zauzimanje javne površine za city light".

Članom 14. Zakona o privremenom korištenju javnih površina na području Kantona Sarajevo ("Službene novine Kantona Sarajevo", br. 20/04, 26/12, 32/12 i 24/15) određeno je kako slijedi:

"Postavljanje slobodnostojećih reklamnih panoa i slobodnostojećih displeja na javnim površinama vrši općinska služba za urbanizam na osnovu elaborata koji izrađuje Zavod za planiranje.



Elaborat donose:

- za područje općina u sastavu Grada Sarajeva, Gradsko vijeće uz prethodno pribavljenu saglasnost općinskih vijeća tih općina
- za područje općine izvan teritorije Grada, općinsko vijeće.

Elaborat iz prethodnog stava utvrđuje veličini, izgled i tip reklamnih panoa i displeja, period korišćenja, uslove korišćenja lokacija itd.

Elaborat je dokument koji se izlaže na stalni javni uvid kod općinske službe za urbanizam, a za područje Grada i kod gradske službe za urbanizam.”

Kao služba za urbanizam tj. Služba za prostorno uređenje Općine Centar Sarajevo, upoznati ste sa odredbama Zakona o privremenom korištenju javnih površina na području Kantona Sarajevo (“Službene novine Kantona Sarajevo”, br. 20/04, 26/12, 32/12 i 24/15), sa trenutno važećim Elaboratom “Reklamni panoi na području Kantona Sarajevo“ usvojenim Zaključkom Vlade Kantona Sarajevo br.02-05-6614-12/06 od 15.03.2006.godine kao i sa "Prijedlogom Elaborata o privremenom korištenju javnih površina za potrebe postavljanja slobodnostojećih reklamnih panoa na području Kantona Sarajevo" (prijedlog Elaborata urađen u maju 2015.godine koji je u postupku usvajanja).

Ni u jednom od gore pomenutih Elaborata nije sadržana niti jedna lokacija na koje su postavljeni reklamni panoi tipa “city light” (u ulici Radićeva, Koševo, Mis Irbina, Mehmeda Spahe, Patriotske lige, Trg Alije Izetbegovića itd.) - jedino su Prijedlogom Elaborata predviđene dvije lokacije br.9 i 10 u ulici Branilaca Sarajeva, ali taj Elaborat nije još usvojen i nije na snazi.

Smatramo da se na području Kantona Sarajevo reklamni panoi mogu postavljati u skladu sa odredbama Zakona o privremenom korištenju javnih površina na području Kantona Sarajevo (“Službene novine Kantona Sarajevo”, br. 20/04, 26/12, 32/12 i 24/15) tj. samo na lokacije koje su određene važećim Elaboratom, što u ovom slučaju postavljanja reklamnih panoa tipa “city light” nije ispoštovano.

Molimo vas da, ukoliko su istiniti navodi “da je ‘N.N. investitor u zahtjevanom roku (4.juli) se javio Službi za inspekcijske poslove, te dostavio traženu dokumentaciju”, koje je objavio portal “radiosarajevo.ba” u rubrici ”lokalne teme” dana 13.07.2018.godine, rješenja o zauzimanju javne površine za postavljanje reklamnih panoa tipa “city light” (u ulici Radićeva, Koševo, Mis Irbina, Mehmeda Spahe, Branilaca Sarajeva, Patriotske lige, Trg Alije Izetbegovića itd.) poništite rješenja o privremenom zauzimanju javne površine jer ista nisu u skladu sa odredbama Zakona o privremenom korištenju javnih površina na području Kantona Sarajevo (“Službene novine Kantona Sarajevo”, br. 20/04, 26/12, 32/12 i 24/15).

S poštovanjem,

AE

Dostaviti:

- Naslovu
- Služba za inspekcijske poslove
- Evidenciji
- Arhivi

PO OVLAŠTENJU MINISTRA

Selmir Kovač, dipl.ing.saob.



e-mail: dir.cesta@ks.gov.ba www.ks.gov.ba
Tel: + 387 (0) 33 560-402
Sarajevo, Hamida Dizdara 1





Broj: 04-27-37193
Sarajevo, 13.11.2018. god.

OPĆINA CENTAR SARAJEVO
Kabinet načelnika-Inspekcija

PREDMET: Reklamni panel na u ulici Obala Kulina Bana

Poštovani,

Dana 12.11.2018.godine prilikom redovnog obilaska terena uočili smo četiri novopostavljena reklamna panoa (tipa city light) u putnom pojasu saobraćajnice Obala Kulina Bana.

Obzirom da reklamni panoi nemaju odobrenje upravitelja ceste, odnosno Direkcije za puteve Kantona Sarajevo i lokacija na kojoj su postavljeni nije predviđena revidovanim Elaboratom o postavljanju reklamnih panoa na području Kantona Sarajevo, molimo vas da hitno poduzmete mjere iz vaše nadležnosti kako bi se bespravno postavljeni reklamni panoi uklonili.

Prilog: Fotografija sa lica mjesta

S poštovanjem,

Dostaviti:


- Naslovu
- Evidenciji
- Arhivi


PO OVLAŠTENJU MINISTRA

Selmir Kovač, dipl.ing.saob.



e-mail: dir.cesta@ks.gov.ba www.ks.gov.ba
Tel: + 387 (0) 33 560-402
Sarajevo, Hamida Dizdara 1





1108



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Inspektorat

Broj: 06-23-8929/18
Sarajevo, 21.03.2019. godine

22 -03- 2019

KANTON SARAJEVO
Ministarstvo saobraćaja
Direkcija za puteve
Ul. Hamida Dizdara broj 1
Sarajevo

04 23 37193 /18

Veza vaš broj: 04-27-37193

Predmet: Obavijest

Vašim aktom broj: 04-23-37193 od 13.11.2018. godine, na osnovu kojeg je formiran spis broj 06-23-9219/18 od 19.11.2018.godine, tražite inspekcijski nadzor nad četiri reklamna panoa (tipa city light) u putnom pojasu saobraćajnice Obala Kulina bana. U prilogu vašeg akta je fotografija reklamnih panoa.

Ovim putem vas obavještavam da je urbanističko građevinski inspektor Općine Centar izvršio uviđaj na licu mjesta dana 15.11.2018. godine




Za krajnji reklamni pano (prema parku) investitor je firma „Plakat“ d.o.o. Sarajevo i posjeduje sljedeću dokumentaciju:

Urbanističku saglasnost, broj 07-23-1683/18 od 25.04.2018. g.

Lokaciju objekta, broj 07-23-1683/18 od 24.04.2018. g.

Ugovor o zakupu, između Općine Centar i firme „Plakat“ broj: 05-31-492/18 od 17.07.2018.

Rješenje broj 01/4-23-5165-1/18 od 08.10.2018. g. odobrenje o postavljanju – izdao Grad Sarajevo




Za tri reklamna panoa investitor je firma „MN Media Company“ d.o.o. Sarajevo. Za dva posjeduje odobrenje Gradonačelnika, rješenje broj: 01/04-23-3074-3/18 od 12.07.2018. godine.

Kako ovi reklamni panoi za koje je investitor posjedovao odobrenje više ne egzistiraju na terenu, postavljeni novi većih dimenzija, za sva tri pokrenut upravni inspekcijski postupak u cilju uklanjanja.

DOSTAVITI:

- 1. Naslovu
- 2. U spis



urbanističko građevinski inspektor



Muneva [redacted] ng.arh.